

III – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 02-14-2133/10

Datum, 29.06.2010.godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03 i 34/03), člana 25. Zakona o javnim ustanovama («Službeni list RBiH», broj 6/92 i 13/94), Zaključka o standardima i kriterijima za imenovanje na upražnjenje pozicije u reguliranim tijelima Općine Zavidovići, Zaključka o oglašavanju upražnjenih pozicija u Upravnom odboru Javne ustanove Centar za socijalni rad Zavidovići broj 02-14-2133/10 od 30.04.2010.godine i člana 39. Statuta općine Zavidovići («Službeni glasnik općine Zavidovići»; broj 5/08 i 5a/08), Općinski načelnik Zavidovići, donio je

RJEŠENJE

**o konačnom imenovanju članova Upravnog odbora Javne ustanove
«Centar za socijalni rad» Zavidovići**

I

Za članove Upravnog odbora Javne Ustanove «Centar za socijalni rad» Zavidovići, imenuju se:

1. AMIR MEHIĆ - za člana, iz reda osnivača
2. FATIMA MEHIĆ - za člana, iz reda zaposlenih

II

Članovi Upravnog odbora Javne ustanove «Centar za socijalni rad» Zavidovići, imenuju se na period od četiri (4) godine.

III

Članovima Upravnog odbora Javne ustanove «Centar za socijalni rad» Zavidovići pripada pravo na naknadu u skladu sa članom 6. Zaključka o standardima i kriterijima za imenovanje na upražnjenje pozicije u reguliranim tijelima Općine Zavidovići («Službeni glasnik općine Zavidovići», broj 4/2004).

IV

Rješenje stupa na snagu danom donošenja, a objavit će se u «Službenom glasniku općine Zavidovići» i „Službenim novinama FBiH“.

O b r a z l o ž e n j e**RAZLOZI DONOŠENJA**

Općinski načelnik je, kao odgovorni javni službenik, u smislu člana 7. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03 i 34/03), utvrdio opće i posebne uslove za imenovanje na pozicije u reguliranim tijelima Općine Zavidovići Zaključkom o standardima i kriterijima za imenovanje na upražnjene pozicije u reguliranim tijelima Općine Zavidovići («Službeni glasnik općine Zavidovići», broj 4/2004).

Na osnovu člana 3. Zaključka o standardima i kriterijima za imenovanje na upražnjene pozicije u reguliranim tijelima općine Zavidovići, Općinski načelnik je Zaključkom o oglašavanju upražnjenih pozicija u Upravnom odboru Javne ustanove „Centar za socijalni rad“ Zavidovići, broj: 02-14-2133/10 od 30.04.2010.godine utvrdio da su u Upravnom odboru Javne ustanove „Centar za socijalni rad“ Zavidovići upražnjene pozicije dva člana Upravnog odbora, jednog iz reda osnivača i jednog iz reda zaposlenih zbog isteka mandata istih, te je članom 2. predmetnog Zaključka utvrđena potreba raspisivanja oglasa za popunu pozicije u reguliranom tijelu općine Zavidovići.

U skladu sa članom 2. Zaključka o oglašavanju upražnjenih pozicija u Upravnom odboru Javne ustanove „Centar za socijalni rad“ Zavidovići, broj: 02-14-2133/10 od 30.04.2010.godine, Općinski načelnik raspisao je Javni oglas za izbor i imenovanje članova Upravnog odbora Javne ustanove „Centar za socijalni rad“ Zavidovići (u daljem tekstu: Javni oglas), koji je je objavljen u listu „Dnevni avaz“ dana 15.05.2010.godine i u Službenim novinama FBiH, broj 30/10 od 26.05.2010. godine, te u skladu sa članom 4. istog Zaključka, donio Rješenje o imenovanju Komisije za izbor na upražnjene pozicije u Upravnom odboru Javne ustanove „Centar za socijalni rad“ Zavidovići, broj: 02-14-2133/10 od 27.04.2010.godine (u daljem tekstu: Komisija).

Komisija je na prvoj sjednici održanoj 15.06.2010.godine utvrdila da su na Javni oglas iz reda osnivača podnesene prijave od strane Mačak Nijaza, Muratović Zdenke, Smajić Amre, Hamidić Fikreta i Mehić Amira, a iz reda zaposlenih od strane Mehić Fatime i Husanović Mirnese.

Obzirom da su prijave Mačak Nijaza i Mehić Amira bile blagovremene, ali nepotpune, isti su pozvani da prijave dopune.

Svi kandidati su popunili i dostavili obrasce sa pitanjima koja se tiču sukoba interesa, dostavili imena ranijih neposrednih rukovodilaca radi pribavljanja preporuka o istim, kao i potpisanu izjavu.

Na drugoj sjednici Komisije od 16.06.2010.godine utvrđeno je, da su sve prijave kandidata formalno ispravne, te su stavljeni na listu sa užim izborom kandidata za člana iz reda osnivača i listu sa užim izborom za člana iz reda zaposlenih.

Na trećoj sjednici održanoj 24.06.2010.godine Komisija je provela intervju sa svim kandidatima osim sa kandidatom Husanović Mirnesom koja nije pristupila zakaznom intervju iako je blagovremeno obavještena o istom, a razloge svog nedolaska nije opravdala.

Nakon provedenog intervjuja sa imenovanim, poštivajući principe iz člana 3. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03 i 34/04), Komisija je na osnovu člana 12. istog Zakona utvrdila Rang – listu sa najboljim kandidatima za člana Upravnog odbora iz reda osnivača i to: 1. Amir Mehić, 2. Amra Smajić, 3. Zdenka Muratović, 4. Nijaz Mačak, 5. Fikret Hamidić, kao i Rang listu sa najboljim kandidatima za člana upravnog odbora iz reda zaposlenih i to: 1. Mehić Fatima. Rang-liste su dostavljene Općinskom načelniku.

Na osnovu uvida u kompletno provedenu proceduru i rad Komisije, imajući u vidu da Amir Mehić i Fatima Mehić ispunjavaju opće i posebne uslove iz Zaključka o standardima i kriterijima za imenovanje na upražnjene pozicije u reguliranim tijelima Općine Zavidovići («Službeni glasnik općine Zavidovići», broj 4/2004), te da se nalaze prvi na rang-listima za članove Upravnog odbora iz reda osnivača i zaposlenih u skladu sa članovima 3., 6. i 12. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03 i 34/04), doneseno je rješenje kao u dispozitivu.

OPĆINSKI NAČELNIK

(M.P.)

Hakija Osmić, dipl.ecc., s.r.